

3. oktober 2023

UKA2023/134

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara: Selskabslovip allangortinneratigut takornarialerinikkut, aalisarnikkut, sanaartornikkut, ussassaarutilerinikkullu suliffeqarfiit nunatta avataaniit pigineqartut immikkut allattorsimaffikkut nalunaarsorneqarsinnaalernissaannut periarfissat pillugit Naalackersuisut nalunaarusioqqullugit Inatsisartut aalajangiiffigisassaattut siunnersuut. Nalunaarusiaq UKA2024 nallertinnagu Inatsisartunut agguanneqassaaq.

### **(Inatsisartuni ilaasorta q Aqqalu C. Jerimiassen, Atassut)**

Siullermik Siumumiik Aqqalu C. Jerimiassen, Atassut siunnersuutaanut qjarusuppugut - Naalackersuisut nalunaarusioqqullugit suliffeqarnermi inatsisip allangorneratigut, allamiut suliffeqarfiutaasa nalunaarsorneqarnissaanut.

Siumumiik soorunami Nunatsinni nunaqavissut, minnerunngittumillu Kalaallit suliffeqarfiutaasa ingerlalluarsinnaanissaanik siunertaqarpugut. Isumaqarpugullu aamma tamanna inatsisitigut toqqammavilimmik aqqissuunneqartariaqartoq.

Ullumikkut annerusumik piumasaqaateqanngilagut, allamiut qaqugukkut suliffeqarfiutigissaneraat. Tassami suliffeqarfiit allattorsimaffianut CVR- mut piumasaqaatit tamanut assigiipput. Suliffeqarfiit inatsisaani maannakkut kikkut pinginnittuiunersut allattorsimanissaat piumasaqaataareerpoq. Taakkualu immikkut allattorsimaffimmik pinngikkaluarluni aaneqarsinnaareerput.

Assersuusiusangaanni taaneqarsinnaavoq suliffik Pituffimmut kiffartuussisussaaq. Taanna suliffik ataasiinnarmilluunnit Kalaallimik pinginneqataaffigineqanngilaq, pinginnittutut nalunaarsorsimasut qviassangaanni.<sup>1</sup> Immaqa ilaat Kalaallit Nunaani sulisutut allattorsimasinnaapput, kisianni tamanna akileraartarnermut immikkut piumasaqaateqanngilaq. Apeqquserneqarsinnaavorlu, Kalaallit ilumut suliffeqarfiutigineraat. Nunaqavissup, immaqa aamma naamik. Tamakkua tassa inatsisitigut illersungassagut, aatsaalli nalunngikkutsigu kikkut Kalaaliunersut.

Siumumiik isumaqarpugut, soorunami suliffeqarfiit taamaattut pinngittooratik aamma Kalaallinik pinginneqataaffigineqartariaqaraluartut, taamaattumillu siunissami Kalaallit nalunaarsorneqarnissaat aammalu Nunatsinni innuttaassuseqalertussat illersorneqarnerunissaat, soorunami Siumumiik taperserumaarparput.

Siunnersuut naak isumamini ajunngikkaluartoq, siunnersuutip saqqummiunnera ajoraluartumik siunertaminut uniuuppoq, annerusumillu allangussangaanni tulluarsarlugu, qulequttamat attaveqarunnaassalluni.

---

<sup>1</sup> <https://datacvr.virk.dk/enhed/virksomhed/43050036?fritekst=inussuk&sideIndex=0&size=10>



Siumumiik neriuppugut siunnersuuteqartup Naalakkersuisut oqaaseqaataani siunnersuutit atorluarumaaraai, akileraartarnermullu tunngasut isumaqatigiissutiginiarneranni isummersuutini saqqummiullugit.

Siumumiik tassa oqaasissagut, siunnersuullu itingartittariaqarlugu.

Kuno Fencker, Siumut